

Asubɔ – Baptism

Bible agyinasoɔ--Asomafo Nnwuma 2:38

Petro ka kyereɛɛ wɔn sɛ, "Monnsesa mo adwene, na momma wɔmmɔ mo nyinaa asu wɔ Yesu Kristo din mu, na wɔde mo bɔne bɛkye mo; na mobɛnya Honhom Kronkron akyedeeɛ no."

Nkyerɛkyerɛmu Nsɛm

1. Den ne Asubɔ?

- Asubɔ yɛ ɔkwan a yɛda no adi sɛ yɛagye Yesu Kristo adi na yɛbetena abrabɔ foforo mu.
- Asubɔ yɛ nsuo mu sie a εnam so ma onipa nya bɔne fa kye. Romafo 6:3-6

2. Aden nti na εse sɛ yɛbɔ Asu?

- Yesu bɔɔ asu (Mateo 3:13-17)
- Yesu hyeɛ sɛ wɔmmɔ asu (Mateo 28:19)
- Eda yɛn gyidie ne yɛn asetena foforo adi. 2Korintofoo 5:16,17
- Eda adi sɛ obi aba Kristo mu na wahye Kristo. Galatifoo 3:27

3. Asubɔ kyereɛ den?

- Yɛawu ama yɛn bɔne na yɛ te ase foforo wɔ Yesu mu (Romafoɔ 6:3-4)
- Yɛwɔ ahobrɛase na yɛde yɛn ho to Onyankopɔn so
- Yɛn bɔne ahohoro (Asomafoɔ 22:16)

4. Hwan na εse sɛ ɔbɔ no asu?

- Obiara a w'ate Onyankopɔn asɛm. Romafo 10:17
- Obiara a w'agye asɛm a wɔteɛ no adi. Marko. 16:15,16
- Obiara a wɔ bɛgye Yesu Kristo adi. (Asomafoɔ 2:38; 8:36-38)

5. ɔkwan bɛn na Wɔbɔ Asu?

- Wɔde onipa no to nsuo mu ma nsuo no kata ne ho nyinaa te sɛ ɔkwan a ɔfa sie onipa a w'awu. Romafo 6:3-6
- Asubɔ nnyɛ deɛ ɔde nsuo pete obi so (sprinkling)
- Asubɔ nnyɛ deɛ ɔhwie nsuo gu obi so (pouring)
- Asubɔ yɛ adeɛ ɔde nsuo beberee na 3bɔ. (immersion) Johane 3:23